



საგანმანათლებლო პროგრამების აკრედიტაციის
საბჭოს გადაწყვეტილება
ქ. თბილისი



MES 8 23 0000179164



15/02/2023

სსიპ - სოხუმის სახელმწიფო უნივერსიტეტის "ქართული ფილოლოგიის" საბაკალავრო საგანმანათლებლო პროგრამის აკრედიტაციის მინიჭების შესახებ

1. გადაწყვეტილების მიღების სამართლებრივი საფუძვლები

1.1. „უმაღლესი განათლების შესახებ“ საქართველოს კანონის 66-ე მუხლის პირველი პუნქტის, „განათლების ხარისხის განვითარების შესახებ“ საქართველოს კანონის 22-ე მუხლის პირველი პუნქტისა და საქართველოს განათლებისა და მეცნიერების მინისტრის 2011 წლის 4 მაისის №65/ნ ბრძანებით დამტკიცებული „უმაღლესი საგანმანათლებლო დაწესებულებების საგანმანათლებლო პროგრამების აკრედიტაციის დებულების“ (შემდგომში - აკრედიტაციის დებულების) 27² მუხლის პირველი პუნქტის მიხედვით, საგანმანათლებლო პროგრამების აკრედიტაციის საბჭო (შემდგომში - საბჭო) სააკრედიტაციო დოკუმენტაციის, აკრედიტაციის ექსპერტთა ჯგუფის დასკვნის, დაწესებულების მიერ აკრედიტაციის ექსპერტთა ჯგუფის დასკვნის პროექტზე წარმოდგენილი არგუმენტირებული პოზიციის შესწავლისა და ზეპირი მოსმენის გამართვის საფუძველზე იღებს გადაწყვეტილებას საგანმანათლებლო დაწესებულების საგანმანათლებლო პროგრამების აკრედიტაციის თაობაზე. აკრედიტაციის დებულების 27⁵ მუხლის მე-5 პუნქტის თანახმად, საბჭო ვალდებულია დაასაბუთოს მის მიერ მიღებული გადაწყვეტილება.

1.2. „განათლების ხარისხის განვითარების შესახებ“ საქართველოს კანონის 22-ე მუხლის მე-2 პუნქტის „ა“ ქვეპუნქტისა და აკრედიტაციის დებულების 27⁵ მუხლის პირველი პუნქტის „ა“ ქვეპუნქტის შესაბამისად, საბჭო იღებს გადაწყვეტილებას საგანმანათლებლო პროგრამის აკრედიტაციის მინიჭების შესახებ, თუ საგანმანათლებლო პროგრამა აკრედიტაციის სტანდარტებთან შესაბამისობის შეფასებისას, ყველა სტანდარტთან მიმართებით საბჭოს მიერ შეფასდა, როგორც „შესაბამისობაშია სტანდარტის მოთხოვნებთან“.

1.3. „აკრედიტაციის დებულების“ 27⁵-ე მუხლის მე-3 პუნქტის შესაბამისად, აკრედიტაციის მინიჭების შესახებ გადაწყვეტილების მიღების შემთხვევაში, საბჭო უფლებამოსილია აკრედიტაციის მაძიებელს მისცეს რეკომენდაციები.

1.4. „აკრედიტაციის დებულების“ 27⁶-ე მუხლის პირველი პუნქტის „ბ“ ქვეპუნქტის თანახმად, ერთ სტანდარტთან მიმართებით მაინც შეფასდა, როგორც „მეტწილად შესაბამისობაშია სტანდარტის მოთხოვნებთან“ და არცერთ სტანდარტთან მიმართებით არ შეფასდება, როგორც „ნაწილობრივ შესაბამისობაშია სტანდარტის მოთხოვნებთან“ ან, არ არის შესაბამისობაში

სტანდარტის მოთხოვნებთან“, საბჭო იღებს გადაწყვეტილებას აკრედიტაციის შესახებ და დაწესებულებას განუსაზღვრავს ვადას მიღებული რეკომენდაციების შესრულების თაობაზე ანგარიშის წარსადგენად, რაც აისახება საბჭოს სხდომის ოქმში.

1.5 აკრედიტაციის დებულების 27⁵მე-7¹პუნქტის შესაბამისად, საბჭო უფლებამოსილია, დასაბუთებული არგუმენტაციის შემთხვევაში, განსაზღვროს გადაწყვეტილებების ძალაში შესვლის თარიღი.

2.აღწერილობითინაწილიდადასაბუთება

2.1.სსიპ - განათლების ხარისხის განვითარების ეროვნულ ცენტრში (შემდგომში - ცენტრი) 2022 წლის 09 სექტემბერს №15/07-415 (ცენტრში რეგისტრაციის №1069096 13.09.2022) წერილით, წარმოდგენილ იქნა **სსიპ - სოხუმის სახელმწიფო უნივერსიტეტის** სააკრედიტაციო განაცხადი "**ქართული ფილოლოგიის**" **საბაკალავრო** საგანმანათლებლო პროგრამის თაობაზე.

2.2. ცენტრის 2022 წლის 11 ოქტომბრის №1273703 ბრძანების საფუძველზე, უნივერსიტეტი ცნობილ იქნა აკრედიტაციის მაძიებლად. ცენტრის 2022 წლის 25 ნოემბრის №1501641 ბრძანებით შეიქმნა ექსპერტთა ჯგუფი, რომელმაც 2022 წლის 02 და 05 დეკემბერსგანახორციელა სააკრედიტაციო ვიზიტი უნივერსიტეტში. ხოლო 2022 წლის 06 თებერვალს წარმოადგინა აკრედიტაციის ექსპერტთა დასკვნა, რომლის შესაბამისად, სააკრედიტაციოდ წარმოდგენილი პროგრამა შეფასდა შემდეგნაირად:

| სტანდარტები | შესაბამისობაშია მოთხოვნებთან | მეტწილად შესაბამისობაშია მოთხოვნებთან | ნაწილობრივ შესაბამისობაშია მოთხოვნებთან | არარისშესაბამისობაში მოთხოვნებთან |
|--|------------------------------|---------------------------------------|---|-----------------------------------|
| 1. საგანმანათლებლო პროგრამის მიზანი, სწავლის შედეგები და მათთან პროგრამის შესაბამისობა | | • | | |
| 2. სწავლების მეთოდოლოგია და ორგანიზება, პროგრამის ათვისების შეფასების ადეკვატურობა | • | | | |
| 3. სტუდენტთა მიღწევები, მათთან ინდივიდუალური მუშაობა | • | | | |
| 4. სწავლების რესურსებით უზრუნველყოფა | • | | | |
| 5. სწავლების ხარისხის განვითარების შესაძლებლობები | • | | | |

2.3. საბჭომ შეისწავლა საგანმანათლებლო პროგრამების აკრედიტაციასთან დაკავშირებული დოკუმენტაცია, კერძოდ, თვითშეფასების ანგარიშსა და მასზე თანდართულ დოკუმენტაციაში ასახული ინფორმაცია, ექსპერტთა ჯგუფის დასკვნა, ექსპერტთა ჯგუფის დასკვნის პროექტზე აკრედიტაციის მაძიებლის მიერ ცენტრისთვის წარმოდგენილი არგუმენტირებული პოზიცია.

2.4. ზეპირი მოსმენა გაიმართა 2023 წლის 13 თებერვალს. სააკრედიტაციო განაცხადის, აკრედიტაციის ექსპერტთა ჯგუფის დასკვნისა და ექსპერტთა ჯგუფის დასკვნის პროექტზე აკრედიტაციის მაძიებლის მიერ ცენტრისთვის წარმოდგენილი არგუმენტირებული პოზიციის, ასევე, სხდომაზე დაინტერესებული მხარის ზეპირი პოზიციის მოსმენის საფუძველზე, საბჭომ ნაწილობრივ გაიზიარა ექსპერტთა შეფასება და 1.3, 2.4, და 4.1 ქვეკომპონენტები ნაცვლად "მეტწილად შესაბამისობაშია მოთხოვნებთან" განსაზღვრა, როგორც "შესაბამისობაშია მოთხოვნებთან", რამაც გამოიწვია მხოლოდ პირველი სტანდარტის ცვლილება და ნაცვლად "მეტწილად შესაბამისობაშია მოთხოვნებთან" განისაზღვრა, როგორც "შესაბამისობაშია მოთხოვნებთან".

3.სარეზოლუციონაწილი

„უმაღლესი განათლების შესახებ“ საქართველოს კანონის 66-ე მუხლის პირველი პუნქტის, მე-2 პუნქტის „ა“ ქვეპუნქტის, მე-3 პუნქტის, მე-4 პუნქტის, „განათლების ხარისხის განვითარების შესახებ“ საქართველოს კანონის 22-ე მუხლის პირველი პუნქტის, მე-2 პუნქტის „ა“ ქვეპუნქტის, მე-3 პუნქტის, მე-8 პუნქტის, აკრედიტაციის დებულების 27²მუხლის პირველი პუნქტის, 27⁵მუხლის პირველი პუნქტის „ა“ ქვეპუნქტის და მე-5 პუნქტის, 27⁶მუხლის პირველი პუნქტის „ა“ ქვეპუნქტის, „საჯარო სამართლის იურიდიული პირის - განათლების ხარისხის განვითარების ეროვნული ცენტრის საქმისწარმოების წესისა და შინაგანაწესის დამტკიცების შესახებ“ სსიპ - განათლების ხარისხის განვითარების ეროვნული ცენტრის დირექტორის 2011 წლის 01 ივნისის N223 ბრძანების მე-8 მუხლისა და საქართველოს ზოგადი ადმინისტრაციული კოდექსის 53-ე მუხლის შესაბამისად, აკრედიტაციის საბჭომ 11 ხმით არცერთის წინააღმდეგ

გადაწყვიტა:

1. დაკმაყოფილდეს **სსიპ - სოხუმის სახელმწიფო უნივერსიტეტის** მიერ წარმოდგენილი სააკრედიტაციო განაცხადი და დანართი №1-ით გათვალისწინებულ „ქართული ფილოლოგიის საბაკალავრო“ საგანმანათლებლო პროგრამას მიენიჭოს აკრედიტაცია. 7 წლის ვადით.
2. ცნობილ იქნას აკრედიტაციის ექსპერტთა ჯგუფის დასკვა „ქართული ფილოლოგიის“ საბაკალავრო საგანმანათლებლო პროგრამის შესახებ ამ გადაწყვეტილების განუყოფელ ნაწილად (დანართი №2).
3. ცნობილ იქნას საბჭოს 2023 წლის 15 თებერვლის №179203 სხდომის ოქმის №3 ნაწილი ამ გადაწყვეტილების განუყოფელ ნაწილად (დანართი №3).
4. საბჭომ ექსპერტთა დასკვნაში ასახული რეკომენდაციები განსაზღვრა შემდეგნაირად:

რეკომენდაციები:

- რეკომენდებულია კლასტერში გაერთიანებული პროგრამების: ქართული ფილოლოგიის საბაკალავრო პროგრამისა და აფხაზური ფილოლოგიის საბაკალავრო პროგრამის ფარგლებში შესრულებული საბაკალავრო ნაშრომი შემოწმდეს პლაგიატის ამომცნობი პროგრამით.
- რეკომენდებულია, სასწავლო კურსის “ქართველოლოგიის შესავალი”, შინაარსი გადამუშავდეს და შეივსოს სავალდებულო და დამხმარე ლიტერატურით.

- რეკომენდებულია ხარისხის უზრუნველყოფის სამსახურის მიერ ჩატარდეს სამუშაო შეხვედრები პროგრამის ხელმძღვანელებთან და ძირითადი სასწავლო კურსების განმახორციელებლებთან სწავლის შედეგების შეფასების მექანიზმების სრულყოფის მიზნით, რაც მოიცავს წარმოდგენილი რუკებისა და სწავლის შედეგების შეფასების გეგმის დაზუსტება-კორექტირებას.
- გაიზარდოს კრედიტების რაოდენობა „ქართული ფოლკლორის“ სასწავლო კურსში, რათა იგი შესაბამისობაში მოვიდეს საგნის შინაარსსა და სწავლის შედეგთან.
- მოხდეს „ქართული დიალექტოლოგიის“ სასწავლო კურსის შინაარსში ქართული ენის ყველა დიალექტის სწავლების ასახვა, რათა სტუდენტმა მიიღოს ქართული ენის დიალექტების შესახებ შესაბამისი ცოდნა, რომელსაც სასწავლო კურსის მიზანიც ითვალისწინებს.
- გადამუშავდეს სალექციო მასალა „ქართული ფოლკლორის“ სალექციო კურსში ისე, რომ მასში შესაბამისი ტექსტებით ქართული ზეპირსიტყვიერების ყველა ძირითადი ჟანრი იყოს წარმოდგენილი.
- „ქართული ფოლკლორის“ სილაბუსში ლექციაზე ლექტორის მიერ წაკითხულ თემატიკასთან შესაბამისობაში მოვიდეს სამუშაო ჯგუფში გამოკითხული და განხილული საკითხები.

რჩევები:

- სასურველია, ორაზროვნების თავიდან ასაცილებლად, კლასტერში გაერთიანებული ქართული ფილოლოგიის საბაკალავრო პროგრამისა და აფხაზური ფილოლოგიის საბაკალავრო პროგრამის მიზნები ქართველური ენების ნაწილში გაწერილი იყოს ერთიდაიმავე დარგობრივი ტერმინოლოგიით.
- სასურველია, ორაზროვნების თავიდან ასაცილებლად, კლასტერში შემავალი პროგრამების: ქართული ფილოლოგიის საბაკალავრო პროგრამა და აფხაზური ფილოლოგიის საბაკალავრო პროგრამა, სწავლის შედეგები ქართველური ენების ნაწილში გაწერილი იყოს ერთიდაიმავე დარგობრივი ტერმინოლოგიით.
- რეკომენდებულია კლასტერში დაჯგუფებული პროგრამების კურიკულუმის რუკისა და სწავლის შედეგების შეფასების გეგმის დოკუმენტების მოდიფიცირება, რათა სწავლის შედეგების შეფასების მექანიზმი გახდეს უფრო მოქნილი და ეფექტიანი.
- სასურველია, არგუმენტირებული ნაშრომის შექმნის უნარ-ჩვევების გამომუშავებისათვის განსაზღვრული საგნის: “აკადემიური წერა”, სწავლება მოხდეს ელექტრონული პლატფორმის ჩართულობით, რომლითაც შესაძლებელი იქნება ნაშრომის შემოწმება პლაგიატის ამომცნობი სისტემით.
- სასურველია, სასწავლო კურსების: “დიადი სახელები” და “დიადი წიგნები”. ურთიერთმსგავსი თემები გადამუშავდეს, რათა თავიდან იყოს აცილებული თემატური და შინაარსობრივი მსგავსებანი.
- რეკომენდებულად მიგვაჩნია, გაიზარდოს რეცენზენტის ქულობრივი წილი შეფასებაში, ხოლო ხელმძღვანელის ქულობრივი წილი დაყვანილი იქნას მინიმუმამდე, ან გაუქმდეს.
- სასურველია, გაიზარდოს ინფორმირებულობა უნივერსიტეტში არსებული სერვისების შესახებ;
- სასურველია, უნივერსიტეტი მეტად უწყობდეს ხელს სტუდენტების კარიერულ წინსვლას და სთავაზობდეს მეტ დასაქმებისა თუ პრაქტიკის შესაძლებლობას პროფესიის მიხედვით.
- რეკომენდებულია, რომ აკადემიურმა და მოწვეულმა პერსონალმა, რომლებიც ქართული ფილოლოგიისა და აფხაზური ფილოლოგიის განახლებულ საბაკალავრო პროგრამებზე ახალ სასწავლო კურსებს უძღვებიან, გააძლიერონ სამეცნიერო კვლევები ამ მიმართულებებით და შექმნან სამეცნიერო პუბლიკაციები, რათა დააგროვონ სასწავლო კურსების სწავლებისთვის საჭირო გამოცდილება.

- სასურველია, რომ გადაიხედოს პერსონალთა პირადი საქმეები და განახლდეს ბოლო პერიოდის მონაცემებით.
- სასურველია, გაიზარდოს აველირებული აკადემიური პერსონალის სახელფასო ანაზღაურება
- სასურველია, ხარისხის უზრუნველყოფის სამსახურმა საუნივერსიტეტო საზოგადოებისთვის უფრო მეტად ხელმისაწვდომი გახადოს გამოკითხვისა და კვლევის შედეგები. სასურველია, პროგრამის ხელმძღვანელები აქტიურად ეცნობოდნენ ისეთ დოკუმენტს როგორცაა შრომის ბაზრის კვლევა, რათა პროგრამაში დროულად ასახონ თანამედორვე შრომის ბაზრის მოთხოვნები (მაგ., ციფრული ჰუმანიტარიის და კომპიუტერული წიგნიერების ელემენტებით პროგრამების გაძლიერება).
- სასურველია, სამომავლოდ პროგრამების განვითარებისა და შრომის ბაზრის მოთხოვნებთან მაქსიმალურად მიახლოების მიზნით განხორციელდეს დარგის სპეციფიკის გათვალისწინებით სიღრმისეული კვლევა. სასურველია განხორციელდეს კითხვარების გადახედვა, კითხვათა ფორმულირებისა და შინაარსის დაზუსტება.
- სასურველია, რომ „ქართული ფოლკლორის“ სილაბუსში არჩევით ლიტერატურას დაემატოს რჩეული ნაწარმოებები ხალხური ტექსტების შემდეგი გამოცემებიდან: ამირანიანი - ქართული ხალხური პროზა, II, თსუ გამომცემლობა (2019), ხალხური სიტყვიერება ტ. IV; ქართული ხალხური სიტყვიერების (მეგრული ტექსტები, შემდგ. კ. დანელია, აპ. ცანავა, 1991) პირველი და მეორე ტომი; აკაკი შანიძის ხევსურული პოეზია (2009); ასევე რჩეული პოეტური ტექსტები ქართული ხალხური პოეზიის თორმეტტომეულიდან.
- სასურველია, ქართული ლიტერატურა მსოფლიო ლიტერატურის კონტექსტში სრულფასოვნად აისახოს სასწავლო კურსში/კურსებში.

5. საბჭოს აღნიშნული გადაწყვეტილება ძალაში შევიდეს 2023 წლის 13 თებერვალს.

6. საბჭოს მიერ მიღებული გადაწყვეტილება, საქართველოს ზოგადი ადმინისტრაციული კოდექსის 180-ე მუხლის პირველი ნაწილისა და „განათლების ხარისხის განვითარების შესახებ“ საქართველოს კანონის 241 მუხლის პირველი პუნქტის შესაბამისად, საგანმანათლებლო დაწესებულების მიერ შეიძლება გასაჩივრდეს სააპელაციო საჩივრის სააპელაციო საბჭოში წარდგენის გზით შემდეგ მისამართზე: ქ.თბილისი, მ. ალექსიძის მე-2 შესახვევი №2, ან თბილისის საქალაქო სასამართლოს ადმინისტრაციულ საქმეთა კოლეგიაში სარჩელის შეტანის გზით შემდეგ მისამართზე: ქ. თბილისი, დავით აღმაშენებლის ხეივანი N64, აღნიშნული გადაწყვეტილებისა და მისი დასაბუთებითი ნაწილების (დანართი №1, დანართი №2, დანართი №3) ცენტრის ვებ-გვერდზე (www.eqe.ge) გამოქვეყნების დღიდან, ერთი თვის ვადაში.

საგანმანათლებლო პროგრამების აკრედიტაციის

საბჭო

საბჭოს თავმჯდომარე

ბუჩაშვილი გოდერძი




საგანმანათლებლო პროგრამების

აკრედიტაციის საბჭო

საბჭოს მდივანი

ტეფნაძე დავით



| № | ინფორმაცია საგანმანათლებლო პროგრამის შესახებ | |
|----|---|---|
| 1 | საგანმანათლებლო პროგრამის დასახელება | ქართული ფილოლოგია Georgian Philology |
| 2 | ერთობლივი უმაღლესი საგანმანათლებლო პროგრამა | - |
| 3 | სტატუსი | აკრედიტებული |
| 4 | სტატუსის გათვალისწინებით, საბჭო(ებ)ს გადაწყვეტილების თარიღი და ნომერი | 2012 წლის 28 ნოემბრის N 747 გადაწყვეტილება |
| 5 | ხელახალი აკრედიტაციის შემთხვევაში საგანმანათლებლო პროგრამის წინა დასახელება | ქართული ფილოლოგია |
| 6 | უმაღლესი განათლების საფეხური | ბაკალავრიატი |
| 7 | დაშვების წინაპირობები | - |
| 8 | კვალიფიკაციის დონე | 6 |
| 9 | კვალიფიკაციის დასახელება | ქართული ფილოლოგიის ბაკალავრი Bachelor of Georgian Philology |
| 10 | ზოგადი განათლების შესაბამისი საფეხურის საგნის/საგნების/საგნობრივი ჯგუფის სწავლების უფლების მითითებით | - |
| 11 | დეტალური სფეროს დასახელება და კოდი (ISCED – F – 2013) | 0232 ლიტერატურა და ლინგვისტიკა/Literature and Linguistics 0232 Languages |
| 12 | სწავლების ენა | ქართული |
| 13 | ECTS კრედიტების ჯამური რაოდენობა | 240 |
| 14 | განხორციელების ადგილი | კორპ. #2, პოლიტკოვსკაიას 26 თბილისი, საქართველო |
| 15 | მსჯავრდებულ აბიტურიენტთა საგანმანათლებლო პროგრამაზე სწავლა - სწავლების უფლებამოსილება | - |
| 16 | ამ გადაწყვეტილების ძალაში შესვლის თარიღი | 13.02.2023 |
| 17 | აკრედიტაციის საბჭოს მიერ გაცემული რეკომენდაციების შესრულების თაობაზე ანგარიშის წარმოსადგენად/მონიტორინგის განსახორციელებლად განსაზღვრული ვადა | - |
| 18 | აკრედიტაციის ვადის გასვლის თარიღი | 13.02.2030 |